

**საქართველოს რესპუბლიკის პირველი პრეზიდენტის - ზვიად გამსახურდიას სახელობის პრემიის  
კონკურსის წესი**

**მუხლი 1. ზოგადი დებულებანი**

1. სსიპ - შოთა რუსთაველის საქართველოს ეროვნული სამეცნიერო ფონდი (შემდგომში ფონდი) აწესებს საქართველოს რესპუბლიკის პირველი პრეზიდენტის - ზვიად გამსახურდიას სახელობის პრემიას ქართველოლოგიის მიმართულებით განსაკუთრებული მიღწევებისა და წვლილისათვის.
2. ფონდის მიერ გამოცხადებული „საქართველოს რესპუბლიკის პირველი პრეზიდენტის - ზვიად გამსახურდიას სახელობის პრემიის კონკურსის“ (შემდგომში - კონკურსი) მიზანია ქართველოლოგიის პოპულარიზაცია და საზღვარგარეთ მოღვაწე უცხოეთის მოქალაქე მეცნიერთა წახალისება ქართველოლოგიის დარგში მნიშვნელოვანი მიღწევებისათვის.
3. პრემია გაიცემა ერთჯერადად, კონკურსის წესით.

**მუხლი 2. ტერმინთა განმარტება**

ამ წესში გამოყენებულ ტერმინებს აქვს შემდეგი მნიშვნელობა:

- ა) ფონდი – საჯარო სამართლის იურიდიული პირი – შოთა რუსთაველის საქართველოს ეროვნული სამეცნიერო ფონდი;
- ბ) გენერალური დირექტორი – სსიპ - შოთა რუსთაველის საქართველოს ეროვნული სამეცნიერო ფონდის გენერალური დირექტორი;
- გ) საკონკურსო განაცხადი - პრემიის მოპოვების მიზნით, ამ წესით განსაზღვრული პირობების მიხედვით ფონდში წარდგენილი საკონკურსო განაცხადი;
- დ) მეცნიერი - ქართველოლოგიის მიმართულებით საზღვარგარეთ მოღვაწე, უცხოეთის მოქალაქე პირი, რომელსაც დაკავებული აქვს აკადემიური თანამდებობა და ეწევა პედაგოგიურ საქმიანობას შესაბამის საგანმანათლებლო დაწესებულებაში ან ქართველოლოგიის მიმართულებით საზღვარგარეთ მოღვაწე, უცხოეთის მოქალაქე, დოქტორის ან მასთან გათანაბრებული აკადემიური ხარისხის მქონე პირი, რომელიც ეწევა სამეცნიერო საქმიანობას შესაბამის სამეცნიერო დაწესებულებაში;
- ე) შეფასების კრიტერიუმები – ფონდში წარდგენილი საკონკურსო განაცხადების შესაფასებლად ამ წესით დამტკიცებული შეფასების კრიტერიუმები;
- ვ) პრემია – კონკურსის შედეგად მოპოვებული ფულადი პრემია;
- ზ) საკონკურსო კომისია – კონკურსზე დარეგისტრირებული საკონკურსო განაცხადების შემფასებელი ორგანო.

**მუხლი 3. პრემიის კატეგორია და ფინანსური რაოდენობა**

1. კონკურსი ითვალისწინებს ერთჯერადი პრემიით მეცნიერის დაჯილდოებას. ფონდის მიერ დაწესებული პრემია გაიცემა ქართველოლოგიის მიმართულებით, რომელიც მოიცავს

კუმანიტარული მიმართულების კვლევებს საქართველოს შესახებ: ენებს/ენათმეცნიერებას, ლიტერატურათმცოდნეობას, ისტორიას, არქეოლოგიას, ეთნოგრაფიას/ეთნოლოგიას, კულტურის კვლევებს, ხელოვნებას;

2. პრემიის ოდენობა - 8000 ლარი;
3. კონკურსის ფარგლებში გაიცემა ერთი პრემია.

#### **მუხლი 4. სუბიექტები და კონკურსში მონაწილეობის პირობები**

1. პრემიის მოსაპოვებლად კონკურსში მონაწილეობა შეუძლია:
  - ა) ქართველოლოგიის მიმართულებით საზღვარგარეთ მოღვაწე, უცხოეთის მოქალაქეს, რომელსაც დაკავებული აქვს აკადემიური თანამდებობა და ეწევა პედაგოგიურ საქმიანობას შესაბამის საგანმანათლებლო დაწესებულებაში;
  - ბ) ქართველოლოგიის მიმართულებით საზღვარგარეთ მოღვაწე, უცხოეთის მოქალაქეს, დოქტორის ან მასთან გათანაბრებული აკადემიური ხარისხის მქონე პირს, რომელიც ეწევა სამეცნიერო საქმიანობას შესაბამის სამეცნიერო დაწესებულებაში.
2. საკონკურსო განაცხადი უნდა წარადგინოს თავად მეცნიერმა ამ წესით დამტკიცებული ფორმების შესაბამისად.

#### **მუხლი 5. კონკურსში მონაწილეობისათვის წარსადგენი დოკუმენტები**

კონკურსში მონაწილეობისათვის აუცილებელია გრანტების მართვის ერთიან სისტემაში GMUS-ში [Grants Management Unified System] ინდივიდუალურად დარეგისტრირება და შემდეგი დოკუმენტების წარმოდგენა:

1. კრებსითი ინფორმაცია კონკურსის შესახებ (დანართი 2, ივსება GMUS-ში კონკურსზე რეგისტრაციის დროს);
2. განმცხადებლის პროფესიული ბიოგრაფია ქართულ ენაზე (იტვირთება GMUS-ში, PDF დოკუმენტის სახით, დანართი 3);
3. განცხადება კონკურსში მონაწილეობის შესახებ, ქართულ ენაზე, დადასტურებული განმცხადებლის ხელმოწერით (დანართი 4, გენერირდება GMUS-დან და იტვირთება რეგისტრაციისას, PDF დოკუმენტის სახით);
4. დამსაქმებელი უმაღლესი საგანმანათლებლო ან/და სამეცნიერო-კვლევითი დაწესებულების მიერ გაცემული ოფიციალური ცნობა - 2020 წლის მდგომარეობით (ქართულად ნათარგმნი, დამოწმებული თარჯიმანთა ბიუროს მიერ) ან ოფიციალური ვებ-გვერდის ბმული, რომლის საშუალებითაც დასტურდება აპლიკანტის დოქტორის ან მასთან გათანაბრებული აკადემიური ხარისხი ან/და აკადემიური თანამდებობა (იტვირთება GMUS-ში PDF დოკუმენტის სახით);
5. განმცხადებლის პირადობის დამადასტურებელი დოკუმენტი ან პასპორტი (იტვირთება GMUS-ში PDF დოკუმენტის სახით);
6. ვადის დარღვევის, ყალბი ან/და არასრული დოკუმენტაციის წარმოდგენის შემთხვევაში წარდგენილი საკონკურსო განაცხადი ფონდის მიერ საკონკურსოდ არ განიხილება;
7. კონკურსში გამარჯვების შემთხვევაში, პრემიის მიმღებმა უნდა წარმოადგინოს საბანკო ანგარიშის რეკვიზიტები (ეროვნულ ვალუტაში).

#### **მუხლი 6. კონკურსზე რეგისტრაციის წესი**

1. კონკურსში რეგისტრაცია ხორციელდება **ორ** ეტაპად ელექტრონულ ბაზაში <http://gmus.rustaveli.org.ge>;

2. პირველი ეტაპი - **2020 წლის 09 მარტის 10:00 საათიდან - 15 მარტის 24:00 საათამდე (თბილისის დროით)** - იტვირთება მოთხოვნილი დოკუმენტაცია კონკურსში მონაწილეობის შესახებ განცხადების გარდა; ელექტრონული რეგისტრაცია დასტურდება **Submit-ის** საშუალებით; გენერირდება განცხადება კონკურსში მონაწილეობის შესახებ;
3. მეორე ეტაპი - ელექტრონული რეგისტრაციის (**Submit**) შემდეგ **2020 წლის 16 მარტის 18:00 საათამდე (თბილისის დროით)** - იტვირთება განცხადება კონკურსში მონაწილეობის შესახებ, ქართულ ენაზე, დადასტურებული განმცხადებლის ხელმოწერით; ელექტრონული რეგისტრაცია **მეორედაც** დასტურდება **Submit-ის** საშუალებით;

## **მუხლი 7. კონკურსის ადმინისტრირება**

1. კონკურსს აცხადებს და ადმინისტრირებას უწევს ფონდი გენერალური დირექტორის მიერ დადგენილი წესით.
2. **ფონდი უზრუნველყოფს:**
  - ა) კონკურსის ჩატარების წესის, საკონკურსო დოკუმენტაციის დამტკიცებისა და მისი მიღების ვადების დადგენას;
  - ბ) კონკურსის გამოცხადებას დადგენილი წესით;
  - გ) კონკურსში დარეგისტრირებული საკონკურსო დოკუმენტაციის კონკურსის მოთხოვნებთან შესაბამისობის დადგენას;
  - დ) საკონკურსო განაცხადების შეფასებისათვის აუცილებელი პროცედურების უზრუნველყოფას;
  - ე) ფონდის გენერალური დირექტორის ინდივიდუალური ადმინისტრაციულ-სამართლებრივი აქტით საკონკურსო განაცხადების შემფასებელი კომისიის შექმნას და მისი საქმიანობის წესის განსაზღვრას;
  - ვ) კომისიის მიერ საკონკურსო განაცხადების შეფასებას;
  - ზ) ფონდის გენერალური დირექტორის მიერ გამარჯვებულის დამტკიცებას;
  - თ) კონკურსში გამარჯვებული კანდიდატის დაჯილდოებას.

## **მუხლი 8. საკონკურსო კომისია**

1. ფონდის გენერალური დირექტორი ინდივიდუალური ადმინისტრაციულ-სამართლებრივი აქტით ამტკიცებს კომისიას და ადგენს მისი მუშაობის წესს;
2. კომისია კონკურსზე დარეგისტრირებულ განაცხადებს აფასებს ამ წესის მე-10 მუხლით გათვალისწინებული კრიტერიუმების შესაბამისად;
3. კომისია განაცხადებს აფასებს დამოუკიდებლად, მიუკერძოებლად, საკუთარი ცოდნისა და შეხედულებების შესაბამისად;
4. კომისია ადგენს რანჟირებულ სიას, რომლის საფუძველზე გამოავლენს გამარჯვებულს და დასამტკიცებლად წარუდგენს ფონდის გენერალურ დირექტორს.

## **მუხლი 9. პრემიის გადაცემის პროცედურა**

გამარჯვებულ კანდიდატს პრემია გადაეცემა უნაღდო ანგარიშსწორებით, მე-3 მუხლში მითითებული საპრიზო კატეგორიისა და ოდენობის შესაბამისად, საქართველოს კანონმდებლობის ყველა შესაბამისი გადასახად(ებ)ის გათვალისწინებით.

## **მუხლი 10. ჯილდოზე წარდგენილი საკონკურსო განაცხადების შეფასების კრიტერიუმები**

1. შეფასება ხორციელდება საკონკურსო კომისიის მიერ ამ მუხლის მეორე პუნქტის შეფასების კრიტერიუმების გამოყენებით.
2. პრემიის მოსაპოვებლად წარდგენილი საკონკურსო დოკუმენტაცია შეფასდება შემდეგი კრიტერიუმების მიხედვით:

1. სამეცნიერო პროდუქტიულობა	1	2	3	4	მინიმუმ 1, მაქსიმუმ 4 ქულა		
<p>ა) ნაშრომები/პუბლიკაციები ქართველოლოგიის მიმართულებით;</p> <p>ბ) სამეცნიერო-კვლევით პროექტებში მონაწილეობა სამეცნიერო ხელმძღვანელის/წევრის (PI) სტატუსით;</p> <p>გ) საერთაშორისო ნომინაციები, ჯილდოები, პრიზები, სტიპენდიები;</p> <p>დ) სამეცნიერო კონფერენციებში / სიმპოზიუმებში / კონგრესებში / სამუშაო შეხვედრებში მონაწილეობა მთავარი მომხსენებლის სტატუსით.</p>							
2. ქართველოლოგიის პოპულარიზაცია	1	2	3	4	5	6	მინიმუმ 1, მაქსიმუმ 6 ქულა
<p>ა) ქართველოლოგიური სამეცნიერო ჟურნალის გამოცემა, რედაქტორობა, სარედაქციო კოლეგიის/საბჭოს წევრობა;</p> <p>ბ) ქართველოლოგიის მიმართულებით შექმნილი/ჩატარებული საწავლო კურსები/საჯარო ლექციები;</p> <p>გ) სამეცნიერო კონფერენციების/სიმპოზიუმების /კონგრესების ორგანიზატორობა;</p> <p>დ) სხვა აქტივობები.</p>							
შემაჯამებელი კომენტარი საკონკურსო განაცხადის შესახებ, ორივე კრიტერიუმის შესაბამისად							

ა) შეფასების პირველი კრიტერიუმი ფასდება მინიმუმ 1 და მაქსიმუმ 4 ქულით, შეფასების მეორე კრიტერიუმი ფასდება მინიმუმ 1, მაქსიმუმ 6 ქულით;

ბ) ჯამური მაქსიმალური შეფასება არის 10 ქულა;

გ) პრემიის მოსაპოვებლად აუცილებელი, მაგრამ არასაკმარისი პირობაა საკონკურსო განაცხადი შეფასდეს 7 ან მეტი ქულით;

დ) თანაბარი ქულების დაგროვების შემთხვევაში უპირატესობა ენიჭება იმ საკონკურსო განაცხადს, რომელიც მაღალ ქულას დააგროვებს მეორე კრიტერიუმში. აღნიშნულ კრიტერიუმში თანაბარი ქულების დაგროვების შემთხვევაში გადაწყვეტილებას იღებს საკონკურსო კომისია.

## მუხლი 12. ინტერესთა კონფლიქტი

1. არ შეიძლება საკონკურსო განაცხადების შეფასებისა და დამტკიცების პროცესში მონაწილეობდეს საკონკურსო კომისიის წევრი:

- ა) რომელსაც აქვს საერთო პუბლიკაცია კონკურსის მონაწილეებთან ან მონაწილეობდა მათთან ერთსა და იმავე სამეცნიერო-კვლევით პროექტში ან მუშაობს ერთსა და იმავე სტრუქტურულ ერთეულში;
- ბ) რომელმაც შესაძლოა მიიღოს უშუალო პროფესიული, ფინანსური ან პირადი სარგებელი კონკურსში გამარჯვების შემთხვევაში;
- გ) რომელსაც აქვს განაცხადის თემატიკის ან კვლევის მეთოდიკის შესახებ კონკურსის მონაწილეებისაგან ფუნდამენტურად განსხვავებული პოზიცია;
- დ) რომელიც თვითონ არის დაინტერესებული მხარე კონკურსში; კონკურსში მონაწილის ნათესავია; კონკურსში მონაწილის წარმომადგენელია; შრომით ურთიერთობაშია კონკურსის მონაწილესთან.

2. ამ წესის მიზნებისათვის ნათესავად ჩაითვლება:

- ა) პირდაპირი ხაზის ნათესავი;
- ბ) მეუღლე, მეუღლის და-ძმა და პირდაპირი ხაზის ნათესავი;
- გ) აღმავალი ხაზის პირდაპირი ნათესავის და-ძმა;
- დ) და-ძმა, მათი მეუღლეები და შვილები.

3. საკონკურსო კომისიის წევრი ვალდებულია გენერალურ დირექტორს ოფიციალურად აცნობოს ამ მუხლში აღნიშნული გარემოებისა და თვითაცილების შესახებ.

4. იმ შემთხვევაში, თუ ინფორმაცია საკონკურსო კომისიის წევრის ინტერესთა კონფლიქტის შესახებ ფონდისთვის ცნობილი გახდება დასაფინანსებლად შერჩეული აპლიკაციის დამტკიცებამდე, ფონდი უფლებამოსილია იმსჯელოს შესაბამისი საკონკურსო კომისიის წევრის მიერ გაკეთებული შეფასების გაუქმების შესახებ.